



Inatsisartuni ilaasortaq Sofie Geisler, Inuit Ataqatigiit  
/ MAANI

**Nuup Kangerluani qaleralinniarneq pillugu § 37 naapertorlugu apeqquummut  
172-2019 akissut**

Dato: 6-5-2019  
Sags nr.: 2019-10193  
Akt. nr.:

Inatsisartut suleriaasianni § 37, imm. 1 naapertorlugu Nuup Kangerluani qaleralinniarneq pillugu Naalakkersuisunut apeqquuteqarputit. Apeqquutit uannit akineqarneqartussanngorlugit innersunneqarput.

Postboks 269  
3900 Nuuk  
Tlf. (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

**Naalakkersuisunut apeqquut:**

1. **§37 134/2019 –imut akissuteqarnerminni Naalakkersuisut allapput:**  
*"Piffimi pineqartumi qaleralinniarnerup illorsorneqarsinnaasumik annertussuseqalernissaa Naalakkersuisunit sulissutigalugu aallartinneqareerpoq. Aqutsiveqarfimmik nutaamik pilersitsinikkut Nuup kangerluani qaleralinniarneq aaqqiiffiginiarneqassaaq. Aalisarnerup siunissami piujuannartitsineq tunngavigalugu ingerlanneqarnissaa suliniutit aqqutigalugit qulakkeerniarneqassaaq."*  
- Nuup kangerluani aqutsiveqarfimmik nutaamik Naalakkersuisut qaugu pilersitsiniarp?

Akissut: Naalakkersuisut naatsorsuutigaat aqutsiveqarfik nutaaq kingusinnerpaamik 1. januar 2020 pilersinneqarsimassasoq.

2. **Aqutsiveqarfimmik nutaamik Nuup kangerluani suli pilersitsisoqanngitsoq tamaani qaleralinniartitsineq MCS –mik meqqilersuinermut qanoq sunniuteqarpa?**
3. **Kvotalersuinani aalisartitsineq Nuup kangerluani maannamut ingerlanneqartoq MCS –mik meqqilersuinermut qanoq sunniuteqarpa ?**

Apeqquut 2-mut 3-mullu akissut: Davis Strædemi aamma Baffin Bugtini avataani qaleralinniarnerup MSC-mit akuerineqarneranut atatillugu MSC-mit piumasaqaataanikuvoq 2019-ip ingerlanerani – MSC-millu nutarnerineq augustimi 2019-imi pisussaagunartoq sioqqullugu – aqutsineq aaqqiivigineqassasoq, tassani isumagineqassalluni avataani sumiiffinnut taakkununnga marlunnut kiisalu sinerissap qanittuani sumiiffinni 1B-1F (Aasianniit Kap Farvelimut) 2020-mi TAC-p NAFO-p tamarmiusumik pisassanut innersuussutaa qaangissanngikkaa. Taamaattoqanngippat MSC-mit akuersissut annaaneqariaannaasoq, inuussutissarsiummik ingerlataqartut nalunaarput. Taamaattumik Naalakkersuisut sulissutigaat kingusinnerpaamik 1. januar 2020 NAFO-p immikkoortuini 1B-1F-imi aqutsiveqarfiit tassanilu pisassat pilersinneqarsimanissaat.

4. **Naalakkersuisut isumaqarpat Nuup Kangerluani qaleralinniartitsineq piujuannartitsinermik tunngaveqarluni ingerlanneqartoq?**

Akissut: Qeqertarsuup Tunuata kujataani sinerissap qanittuani qalerallit NAFO 1B-mi aamma 1D-mi avataani qaleraleqatigiinnut ullumikkut ilaasutut isigineqartut Pinngortitaleriffiup paassisutissiissutigai. Pingaartumik Nuup eqqaani qalerallit tunineqartut angissusaallu pillugit kiisalu 2015-imi, 2017-imi 2018-imilu misissuinikkut Pinngortitaleriffik paassisutissanik katersisimavoq. Qalerallit siusinnerusumiit pisarineqartartunit maanna tulaanneqartartut millisimasut paassisutissat takutikkaat Pinngortitaleriffik ilisimatitsivoq tunisassiorermilu atorluarneqassappata aalisarneq millisinneqartariaqartoq ilanngullugu ilisimatitsissutigalugu. Aqutsivinnik nutaanik pilersitsiniarnermut pilersaarutinut tunngatillugu Naalakkersuisut Pinngortitaleriffik taamaammat qinnuiginiarpaq sumiiffinnut 1B-1F-imut immikkut ittumik siunnersuisoqassasoq.

Inussiarnersumik inuulluaqqusillunga

Jens Immanuelsen  
Aalisarnermut, Piniarnermut Nunalerinermullu Naalakkersuisoq